



SCOULAS SPECIALAS  
EXTERNAS

## La scoula da pedagogia curativa a Zernez

La SPC Zernez vegn frequentada dad uffants da l'Engiadina Bassa e da la Val Müstair cun ün disturbi dal svilup o da perceziun, ün impedimaint da lingua, ün impedimaint corporal o spiertal. Ella vegn manada da maniera bilingua, in tudais-ch e rumantsch, e spordscha eir la pussibilità d'üna presculina.

La scoula creescha ün'atmosfera ed ün ambiaint, i'l qual l'uffant po as sviluppar da maniera spiertala, cognitiva, corporala ed emoziunala. Il plan da promoziun individual s'orientescha a l'uffant singul ed as drizza davo seis bsögn, sias pussibilitats ed abiltats.

Las scolaras e'ls scolaras dessan sviluppar fiduzcha e sgürezza in sai stess. L'abiltà da relaziun cun sai stess e cun l'ambiaint vegn promovüda ed accompagnada dad experienzas, inscuters e da l'agir concret e fuorma ün ulteriur accent da la lavur pedagogica.

Daspö l'on 2016 as rechatta la scoula ill'antieriura chasa cumünala da Susch. Las localitats spordschan la pussibilità

d'integrar i'l minchadi scolastic üna structura dal di cun proviantaziun a mezdi e da fuormar uschè la promoziun da maniera cumplexsiva ed orientada a la pratica.

### **Soluziun cumbinada**

Tuot tenor il stadi da svilup e'ls böts da promoziun vegnan las scolaras e'ls scolaras integrats parzialmaing illas scoulas da lur cumüns d'origen. Els frequentan las scoulas regularas cun uffants da listessa età.

### **Spüerta da terapia**

Las terapias da logopedia, psicomotorica, la fisioterapia e l'ergoterapia vegnan spüertas internamaing e pon cun quai gnir integradas aint il urari.



ÜNA SPÜERTA SCOLASTICA  
SPECIALA IN  
ENGIADINA BASSA.